

Universitätsbibliothek Paderborn

**Sancti Bonaventvræ Ordinis Minorum, S. R. E. Cardinalis,
Episcopi Albanensis, Seraphici Doctoris Ecclesiæ, De Vita
S. Patris Francisci, Liber I.**

Bonaventura <Sanctus>

Antverpiæ, 1597

§. 9. De non obseruantibus festum, & non honorantibus Sanctum.

urn:nbn:de:hbz:466:1-41460

debitâ sequestratum : apparuit ei benignissimus Pater, vestimentis gloriæ candidatus, & dulcibus affatibus alloqui cœpit eandem. Surge, inquit, filia benedicta, surge ne timeas. Et apprehensâ manu ipsius, alleuans eam disparuit. Ipsa vero per cellulam suam huc atque illuc se conuertens, putabat se visum videre: usquequo ad clamorem ipsius apportato iam lumine, perfectè se sentiēs per seruum Dei Franciscum esse sanatam, cuncta quæ acciderant, per ordinem enarravit.

§. 9. *De non obseruantibus festum, & non honorantibus Sanctum.*

1.
Sacerdotis
mandatum
non puen-
dum.

Vota ipse fa-
cta à pauperis
liberant.

In pictauia partibus, in villâ, quæ Simo dicitur, Sacerdos quidam Reginaldus nomine, B. Francisco deuotus, festum ipsius parochianis suis indixerat sollemniter celebrandum. Vnus autem de populo ignorans Sancti virtutem, sui parvipendit Sacerdotis mandatum. Egressus autem foras in agrum, ut ligna succideret, cum se præparasset ad opus, vocem audivit huiusmodi tēt dicentem, Festum est, operari non licet. Verum cum nec imperio Sacerdotis, nec supernæ vocis oraculo, seruilis temeritas frenaretur: addidit diuina virtus ad gloriam sancti sui, sine morâ miraculum, & flagellum. Mox enim ut furcam vñâ manu iam tenens, alteram cum ferreo instrumento leuavit ad opus: sic diuinâ virtute, utraque manus utrique instrumento cohæsit, ut ad neutrius dimissionem, digitos aliquatenus relaxare valeret. Ex quo stupefactus nimis, & quid ageret nesciens; ad Ecclesiam, multis vndique ad videndum prodigium concurrentibus, properauit. Vbi mente compūctus ante altare, quodam ex assistentibus Sacerdote monente, (plures quippe ad festum vocati conuenerant Sacerdotes) B. Francisco humiliter se deuouit; tria, sicut ter vocem

audie-

audierat, vota vouens: quod scilicet festum ipsius coleret; quod ad illam, in qua tunc erat, Ecclesiam in festo veniret; & quod sancti corpus personaliter visitaret. Mirum certe relatu. Vno emissio voto, unus digitus factus est liber: ad secundi emissionem solutus est alius: sed tertio facto voto, laxatus est tertius. & postmodum tota manus, necnon & altera subsequenter, populo, qui iam multus aduenierat, sancti clementiam deuotissime implorante. Sic homo pristinæ redditus libertati, per scipsum instrumenta deposuit: cunctis laudantibus Deum, virtutemq; sancti mirificam, qui tam mirabiliter percutere poterat, & sanare. Ipsa vero instrumenta usque hodie coram altari, ad honoré B. Francisci fabricato, ibidem in memoriam facti dependent. Plura quoque illic, & in locis vicinis patrata miracula, & Sanctum in cælis ostendunt eximium, & festum ipsius in terris venerabiliter excolendum.

In ciuitate quoque Cenomanensi, dum in solemnitate S. Francisci, mulier quædam manus ad colu extenderet, & digitis apprehenderet fusum: obrigescientibus manibus cooperunt digiti magnis ardoribus cruciari. Igitur pœna docente, Sancti recognoscens virtutem: corde compuncta, cucurrit ad fratres. Cumq; pro salute ipsius, deuoti filij S. Patris clementiam precarentur, in columnis effecta est statim: nec aliquid læsionis remansit in manibus, nisi ad facti memoriam, solum vestigium cibusturæ. Simili etiam modo in Campaniâ majori, mulier quædam. & in villa Oletti mulier altera. & in castro Pyllei, tertia, dum beati Patris festum celebrare contemnerent, præuaricantes primum mirabiliter sunt punite: sed postmodum penitentes, per sancti Francisci merita mirabilius libatae.

2.
Temerantes
festum eius,
pununtur:
penitentes
rufissu curantur.

K §

Miles

3.
Blasphemus
occiditur.

Miles quidam de Burgo in Prouincia Massa,
beati Francisci operibus, & miraculorum signis
impudentissime detrahebat. inferebat multa op-
probria peregrinis, ad ipsius memoriam venienti-
bus : & contra fratres publica garriebat in Iania.
Cum autem semel Sancti Dei gloriam impugna-
ret : addidit super peccata sua blasphemiam dete-
standam. Si verum est, inquit, quod Franciscus iste
sit sanctus; gladio cadat hodie corpus meum. si ve-
ro sanctus non est; euadam in columnis. Non disti-
lit ira Dei condignum inferre supplicium ; cum iam
facta fuisset oratio in peccatum. Moratur enim mo-
dicâ interiecitâ, dum blasphemus nepoti suo infer-
ret iniuriam : accepit ille gladium, & patrui vi-
ribus cruentauit. Eodem die mortuus est scelerat-
us, inferni mancipium, & filius tenebrarum : ut
ceteri discerent miranda Francisci opera, non bla-
phematoris verbis impetrare, sed deuotis laudi-
bus honorare.

4.
Alius loque-
lam perdidit.

Iudex quidam nomine Alexander, dum à beati
Francisci deuotione, quos poterat venenatâ lin-
guâ retraheret: diuino iudicio linguâ priuatus, per
sex annos obmutuit. Qui cum in eo, quo pecca-
uerat, torqueretur: alta pœnitudine reuocatus, do-
lebat se contra Sancti miracula oblatrasse. Itaque
non persistit misericordis indignatio Sancti : sed
pœnitentem, ac se humiliter inuocatam, restituta
loquelâ, recepit ad gratiam. Ex tunc linguam bla-
sphemâ consecravit laudibus Sancti, deuotionem
simil & disciplinam recipiens per flagellum.

§. 10. *De quibusdam aliis miraculis dixer-
torum generum.*

In castro Galiani Valuensis dioecesis, mulier que-
dam nomine Maria, quæ Christo Iesu & B. Fran-
cisco famulatu deuoto subiecta, vnâ dierû æstiuo-

tem